

IV Congreso de  
**Antropoloxía** de  
en para  
desde **Galiza**



*Venres 23 de abril de 2021*

Online na plataforma ZOOM:

ID da reunión: 878 9617 3486

Contrasinal de acceso: 751816

<https://videoconf-colibri.zoom.us/j/87896173486?pwd=N1lxTzJwbisvVUYvNnFMSkdMTjdNUTog>

# Da Xeración Nós á Nova Antropoloxía Galega

## IV Congreso de Antropoloxía de/desde/en/para Galiza



A Asociación Galega de Antropoloxía (Agantro) é unha asociación de profesionais da antropoloxía que foi constituída no 29 de xuño de 1993, polo que vai de cumprir 28 anos de existencia. Neste período a asociación está inmersa nun proceso de renovación da súa estrutura, estatutos e de reactivación, tomando un novo impulso para loitar por unha antropoloxía que non desexamos que esmoreza.

Agantro ten como obxectivo principal mellorar a profesionalización e desenvolver a antropoloxía, abrindo canles de comunicación coas administracións, incidindo na inclusión da nosa disciplina naquelas actividades culturais e ofertas de emprego correspondentes á nosa formación. Mais tamén apoiar a posta en valor das múltiples ramificacións da cultura galega e xerar un foro de debate e comunicación no que teñan cabida os diferentes xeitos de entender e practicar a antropoloxía alén da academia, tendendo pontes e fortalecendo as relacións co tecido asociativo que durante tantos anos mantivo viva a investigación e a divulgación.

Como froito destas accións nos últimos anos conseguimos que habilitasen ás persoas con titulación de antropoloxía para a docencia no ensino secundario, a inclusión da antropoloxía nas bolsas de museos e tamén temos canles activos de comunicación coas administracións para informar das nosas posibles funcións e así incluír á antropoloxía noutras convocatorias públicas.

Tamén tratamos de tecer redes e potenciar espazos para a conexión e a comunicación entre as persoas asociadas, pular pola investigación antropolóxica, realizar actividades de divulgación e difusión e visibilizar a relevancia da antropoloxía cara á sociedade. Nesta liña de reactivación das actividades relacionadas coa asociación levamos tres anos colaborando coa Mostra de Cinema Internacional de Cinema Etnográfico do Museo do Pobo Galego, e no ano 2019 participamos na organización do XIV congreso da Sociedade Internacional de Etnoloxía (SIEF) en Santiago de Compostela co obxectivo de fortalecer a antropoloxía galega e convidar a unhas 1000 persoas asistentes á coñecer o noso traballo. No ano 2019, coa homenaxe de Antonio Fraguas no Día das Letras Galegas, Agantro tamén contribuíu na divulgación das súas achegas á cultura galega. Agantro tamén é parte da Asociación de Antropoloxía do Estado Español (ASAE) e participamos das reflexións sobre a antropoloxía alén das nosas fronteiras.

Neste sentido estamos a organizar este cuarto congreso Agantro co obxecto de que se convertan nunha cita anual e sirvan de plataforma de encontro para persoas dedicadas á antropoloxía, coa esperanza de acrecentar a nosa presenza e visibilidade na sociedade.

Deste xeito, o “IV Congreso de Antropoloxía de/desde/en/para Galiza” procura, en primeiro lugar, tecer redes inter e intradisciplinarias e potenciar espazos para a conexión, o diálogo e a escoita de diferentes propostas e traballos, tanto xa desenvolvidos como en proceso, así como a creación de sinerxías e estratexias para fortalecer a antropoloxía na Galiza. Nestes últimos anos celebramos encontros en Santiago e en Ferrol e no ano 2020 celebramos o terceiro congreso online, con grande participación e aproveitamento.

A segunda idea deste congreso é reflexionar arredor do pasado e do presente da antropoloxía, sobre o papel que tivo e que ten a antropoloxía en Galicia, os distintos percorridos disciplinarios, as mudanzas temáticas, os novos retos que enfrontamos, así como as adaptacións aos cambios e as análises propostas das transformacións socio-culturais.

## PROGRAMA

### 15:00. Inauguración

Cristina Sánchez-Carretero (Presidenta de Agantro)

### 15:15. Mesa redonda sobre a relación entre Antropoloxía e Ciencias Sociais na Galiza.

Modera: Luzia Oca (UTAD)

Participan:

Carmen Lamela (UDC)

Rubén Lois (USC)

Elías Torres (USC)

Alexandre García Caballero (Psiquiatra, CHOU Ourense)

José María Cardesín (UDC).

### 17:00. Descanso

### 17:10. Comunicacions, pósters ou audiovisuais

Modera: Olga Romasanta (Rexenerando S. Coop.)

1. Félix Francisco Castro Vicente: "Ocultismo finisecular. Autores e editores ocultistas do cambio do s. XIX ao XX".

2. Paula Sánchez Carrera: "Una mirada etnográfica al laboratorio de la Asociación para la Recuperación de la Memoria Histórica (ARMH)".

3. Lois Ladra: "Proxecto CORGORAL: documentar o Patrimonio Cultural Inmaterial en tempos de pandemia"

4. Íñigo Sánchez-Fuarros: "Llegar para quedarse: antropología, turismo y ambientes sonoros en Galicia y más allá".

5. Nuria Romero Vidal: "Da árbore ao obxecto. Etnografía confinada da cultura material en madeira en Guna Yala (Panamá)".

6. Gabino S. Vázquez-Grandío: "Un proxecto de dinamización lingüística en colaboración coas escolas de Ames".

7. Alba Díaz Geada: "Comunidade e clase na Galiza rural contemporánea: un achegamento micro".

8. Andrea Souto García: "Migrantes colombianas e brasileiras no contexto poscolonial: unha análise interseccional".

9. Iria Vázquez Silva; Virginia Romero Sobral; Martín Fernández Pérez: "A soidade non desexada en Galicia".

10. Carlos Diz Reboredo: "Cadeas veciñais de coidados: Grupos de Apoio Mutuo na COVID-19".

11. Pedro Pereira: "Cinco pasos para sacralizar uma rua. Materialidades e imaterialidades no culto à Senhora da Saúde"

### 19:15. Asemblea Xeral de AGANTRO

### 21:00. Clausura

## ASISTENCIA

Para asistir non é necesario presentar comunicación, póster ou audiovisual nin tampouco ser de Agantro.

Para recibir certificado de participación deben facerse de Agantro, o prezo anual é:

Cota reducida (estudantes e parados): 15 Euros.

Cota normal: 30 Euros.

Cota solidaria: máis de 30 Euros.

Transferencia do pago:

Agantro (IBAN: ES34 2080 0570 6330 4001 2183)

Enviar comprobante da transferencia a:

[agantro@gmail.com](mailto:agantro@gmail.com)

As persoas interesadas en recibir o certificado de asistencia deben inscribirse en:

<https://forms.gle/VbxvNpbqKAcBRh7Mg>

Contacto e máis información:

Correo electrónico: [agantro@gmail.com](mailto:agantro@gmail.com)

Facebook: <https://www.facebook.com/AGANTRO/>

Coa colaboración e apoio de: